



M. TVLLII CICERONIS

PRO

L. M V R E N A,

ORATIO TERTIA ET VICESIMA.

I QVAE deprecatus a diis immortalibus sum,
¹judices, more institutoque majorum, illo
 die, quo auspicato, comitiis centuriatis, L.
 Murenam consulem renuntiavi; ut ea res
 mihi magistratuique meo, populo plebique
 Romanae, bene atque feliciter eveniret: ea-
 dem precor ab iisdem diis immortalibus ob
 ejusdem hominis consulatum una cum salute
 obtinendum, & ut vestrae mentes atque sen-
 tentiae cum populi Romani voluntatibus, suf-
 fragiisque consentiant, eaque res vobis, po-
 puloque Romano, pacem, tranquillitatem,
 otium, concordiamque afferat. Quodsi illa
 sollemnis comitorum precatio, consularibus
 auspiciis consecrata, tantam habet in se vim
 & religionem, quantam reipublicae dignitas
 postulat: idem ego sum precatus, ut eis quo-